



日涉編

黃裳跡履  
帝書印記

楚應城陳

塔升也甫編輯



邑人徐養量叔弘甫校刻

張之厚銘卿甫

張凌雲韓孺甫

陳光寅亮可甫全閱

四月

四月建巳巳起也物至此時而畢起也

合璧  
事類

中呂巳之氣也四月建馬

周禮

日在畢昏翼中旦婺女中

禮記

孟夏純乾用事陰氣未作

未作氣未挺出鄭興傳

正陽之月匿未作

匿隱也未作氣未挺出六帖

夏氣赤而光明

爾雅

收恢台之孟夏

恢大也台即胎也言夏氣大而育物也楚詞

百穀各以初生為春熟為秋麥熟在孟夏故以孟

夏為麥秋

蔡邕月令

孟夏行春令則蟲蝗暴風秀草不實行秋令則苦

雨五穀不滋四境有警行冬令則草木早枯後有

大水敗其城郭

呂氏春秋

為余

爾雅

或服玄冰丸或服飛雪散及六壬六癸之符則不

熱

抱朴子

孟夏之月南宮御女赤色衣赤采吹笙竽

出淮南子注云

火生南方故處南宮笙竽空中象陽故吹之

東武舊俗每歲大會於南禪資福兩寺以芍藥供

佛

東坡集

長沙市肆之人無子者是月供寺閣下羊肉薄餅

乞兒徃徃有驗時鏡新書

馬者國俗尚娛遨每歲是月遊林酉陽雜俎

天有聲如瀉水自南而北後秦王俊薨文帝開皇三十年隋

書

宋真宗西南方兩月並見天禧四年占曰大臣廢黜又曰有大水是年秋

寇準賑滑州河決京師大雨壞廬舍出宋史

漢成帝楚國雨雹大如斧飛鳥皆死河平二年

漢武帝隕霜殺草自是征伐四夷師出三十餘年

元光四年以上出山堂肆考

唐憲宗淄青隕霜殺惡草及荆棘而不害嘉穀元和十四年

舊唐書

無雲而雷有流星後日下東南行四面耀耀如雨

自晡及昏而止成帝元延元年

彰德有赤風自西北起晝晦如夜順帝至正元年海舟吹上平陸

高坡二三十里死者萬計世人謂之海笑出元史

天雨土唐昭宗天祐元年通考

天雨土元豐二年淳熙四年皆是月雨土宋史

冀寧榆次縣天雨白毛如馬鬃順帝至正十三年元史

福州福清縣解天雨黃黑豆又長樂太平二鄉雨

黑豆皆堅實異常 太宗至道二年宋史

冰瓦有文樓閣車馬人物芙蓉牡丹萱草藤蘿之

屬經日不釋 淳熙年秀州呂氏家出宋史

晉孝武帝京都地生毛 太元十四年又十七年地生毛是時符堅滅

晉安帝地生毛或白或黑 元興三年以上五行志

黃河是月水名麥黃水 水衡記

岱山之東有圓淵孟夏月水常騰沸人掘地得焦

石如炭往往有火 拾遺記

南方有炎山在扶南國之東加營國之北諸薄國

之西從此月火生行人過山取木為薪燃無盡時

火至十二月滅草木始生枝條玄中記

鼎州桃源洞大水巨石隨流而下有文曰無為大

道天知人情無為窈冥神見人形心言意語鬼聞

人聲犯禁滿盈地收人魂金石同類類金為變恠

者也 宋高宗建炎三年五行志

京師醴泉湧出飲之者痼疾皆愈惟眇蹇者不瘳

後漢光武中元元年

京師拱聖第泉湧疾癘者飲之皆愈天禧二年閏四月

哀帝建平四年山陽方與女子田無畜生子師古曰方

與者山陽之縣也女子姓田名無畜方與音房豫先未生兒唬腹中及生

不舉葬之陌上三日人過聞唬聲母掘收養

宋寧宗嘉定元年鎮江後軍妻生子一身二首四

臂占謂中原分裂後數年金人失中原以上通考

宰臣李適之鼎躍出相鬪鼎耳及足皆折天寶三年白孔

帖六

月桂子江東諸處每至四五月於路衢得之大如

狸豈破之辛香古老相傳是月中下也山堂肆考

千頃山西有莎蘿花一株是月花開香聞數里千頃

山在杭州府昌化縣出一統志

永州民劉思析薪有天下太平字徽宗宣和三年

虔州民毀歌屋析柱木裏有文曰天下太平高宗紹興

十四年守臣薛弼上此木妖以上宋史

秀州海鹽縣海洋有巨鯨群鯢從之聲若謳歌抵

岼縣民鬻肉轉鬣壓死十數人頷骨長二丈五尺

紹興二十年京房易傳曰海見巨魚邪人進賢人踈出通考

鳳凰集東魯群鳥從之

夏口武昌鳳凰見

鳳凰集沔北百姓聚觀之

饒安縣白雉見

白麟見頓丘

餘干縣民家豕生八豚其二為鹿

桂州有馬生駒三足能隨群馬

群鼠吐五色氣成雲

宋史

詩

江南孟夏天 慈竹笋如編 蜃氣為樓閣 蛙聲作管

絃 賈奔登大曆中進士狀江南四月

四月上泰山石平御道開 六龍過萬壑 澗谷隨縈

迴 李白

漱井消午醉 掃花坐晚香 衆綠結夏幄 老紅駐春

粧 文潛

南京西浦道 四月熟黃梅 湛湛長江去 冥冥細雨

來 杜甫

麥隨風裏熟梅逐雨中黃衫含蕉葉氣扇動竹花

涼庚子山

人間四月芳菲盡山寺桃花始盛開長憶春歸無

覓處不知轉入此中來白居易見木林寺桃花

長養薰風拂曉吹漸開荷芰落薔薇青蟲也學莊

周夢化作南園蛺蝶飛徐寅初夏戲題

花開紅樹亂鶯啼草長平湖白鷺飛風日晴和人

意好夕陽簫鼓幾舫歸徐元杰字仁伯信州上饒人題湖景

乳鴨池塘水淺深熟梅天氣半陰晴東園載酒西

園醉摘盡枇杷一樹金戴復古字式之初夏作

陂麥連雲慘淡黃綠陰門巷不多涼更無一片桃

花在借問春歸有底忙王安石見陂麥

四月清和雨乍晴南山當戶轉分明更無柳絮因

風起惟有葵花向日傾司馬光字君實居洛初夏

四月田間麥穗稠桑枝生蕙鳥啁啾鳳城綠樹知

多少何處飛來黃粟留歐陽永叔

嘒嘒新蟬綠葉遮一聲臨晚到山家未應春色全

歸去猶有芳叢刺史花洪僧惠



石梁茅屋有彎碕流水煎煎度兩岐晴日暖風生  
麥氣綠陰幽草勝花時王介甫

綠樹陰濃夏日長樓臺倒影入池塘水精簾動微  
風起滿架薔薇一院香高駢

麥隴風來翠浪浮霏微小雨似深秋野亭終日捲  
簾坐清樾對啼黃栗留譚知柔

生物移邊日夜流園林總夏麥先秋綠陰黃鳥北  
窻簾付與來禽安石榴山谷

首夏木陰薄清和自一時筍抽八九尺荷生三四

枝新服裁蟬翼舊扇拂蛛絲莎徑熱未劇晨昏來

往宜溫公

今年通閏月入夏展春輝樓上風花媚城隅賞宴  
歸九歌揚政要六舞散朝衣天喜時相合人和事  
不違禮中推意厚樂處感心微別賞陽臺樂前旬

暮雨飛唐玄宗首夏閏月花藥樓觀群臣宴寧王山亭

垂柳陰陰日初永蔗漿酪粉金盤冷簾幙低垂紫  
燕忙蜜脾已滿黃蜂靜高樓起睡翠眉顰披破斜  
紅未肯勻玉腕半揎雲袖碧樓前知有斷腸人魏彥

立夏

立夏金歿水囚木休火相

穀雨後十五日斗指巽為立夏物至此時皆假大

也孝經

四月立夏為節夏大也至此之時物已長大故以

為名三禮

立夏夏至行南方赤道曰南陸漢書

斗柄南指而天下皆夏歇冠

立夏晷長四尺三寸八分後律

炎帝秉離執衡司夏

林鍾紀度祝融司節賦

立夏陽雲出觜赤如硃易通

春分加四十六日而立夏大風濟音中夾鍾濟止

淮南子

立夏清明風至而署鶴鳴博谷飛電見龍升天易說

立夏雀子飛易通

立夏之日螻蝈不鳴水潦淫漫蚯蚓不出臣奪后

命王瓜不生害于百姓

周書時訓

立夏日得金五穀不成夏旱多風得木夏寒草生  
得火多妖言兵戈起得土遠臣朝國無政令得水

上下相和順天下安寧

劉玄之行軍月令

立夏命有司祀雨師

立夏先三日太史謁于天子曰某日立夏盛德在

火天子乃齋立夏之日天子親率三公九卿迎夏

于南郊還乃賞公卿諸侯大夫於朝慶賜遂行無

不欣悅命相贊傑俊遂賢良舉長大行爵出祿必

當其位

以上禮記月令

春官大宗伯以赤璋禮南方

禮南方以立夏謂赤精之帝而炎帝祝融

食馬半珪曰璋象夏物半死禮記

立夏日夜漏未盡五刻京都百官皆衣赤衣迎夏

于南郊

續漢書禮儀志

夏則乘赤輅駕赤駟載赤旗以迎夏於南郊其祭

先黍與鷄居明堂正廟啓南戶

禮逸

立夏日或服玄冰丸或服飛霜散及六壬六癸之

符則不熱幼伯子王仲都此二人衣之以重裘暴

之於夏日周以十爐之火口不稱熱身不流汗蓋

用此方

抱朴子

立夏日忌北風主疫

耀仙月占

立夏日日中上清五帝會諸仙人於紫微宮論求

道之功罪

登真隱訣

詩

東君休布令赤帝已司權

風光初變換天氣尚清和

律轉薰風始杓回火德新

長風始飄閣疊雲纒吐嶺

不覺東風旋地軸俄驚南陸幹天機

蝴蝶不隨春色去又來庭院舞薰風

小滿

立夏後十五日斗指巳為小滿小滿者言物長於

此小得盈滿也

孝經緯

立夏加十五日指巳則小滿音中太簇

雅南子

上陽雲出七星

易通卦驗

小滿日苦菜秀後五日靡草死

以茶為苦菜毛詩曰誰為茶苦堦雅

小滿日苦菜不秀仁人潛伏靡草未死國從盜賊

周書時訓

小滿後無起土功無發大衆無伐大樹妨蠶農也

小滿後無大田獵

驅獸類也恐傷生類

小滿後農乃登麥天子乃以彘嘗麥先薦寢廟

令月

以上

日涉編卷終

日涉編

楚應城陳

皆升也甫編輯

邑人徐養量叔弘甫校刻

張之厚銘卿甫

張凌雲韓孺甫

陳光寅亮可甫全閱

四月

一日

煬帝是日太陽虧王度時在臺司晝臥廳閣覺日

漸昏諸吏告以日蝕甚度整衣引寶鏡出照鏡亦

昏無光色 大業八年四月一日日蝕王度以寶鏡

素師事之侯終以鏡贈度鏡徑八寸鼻作麒麟

伏狀鼻外列龜龍鳳虎又外設八卦又外置十二

辰又外置二十四字似隸而非字書所有此黃帝

所鑄第八鏡也邪魅入鏡盡照希世之寶後失鏡

異聞集

武后尊嵩嶽為皇帝 武后垂拱四年封嵩嶽為神

一日尊為皇帝中宗神龍

元年復為王出事物紀原

德宗左右請御暑服上曰將士未易冬服獨御春

衫可乎 興元元年將士未給春衣上猶夾服漢中

早熱四月一日左右請御暑服上曰獨御

春衫可乎俄而貢物繼至先

給諸軍上始御之出舊唐書

後唐閔帝即位受冊明宗柩前 有誓者張濛自言

浩也其言書凶無不中房高素信之嘗引濛見帝

聞其語聲驚曰此非人臣也高使濛問于神神傳

語曰三珠併一珠驪馬沒人驅歲序甲庚午中興

戊巳土屬不馳其義濛曰神言如此不能解也四

月一日閔帝即位受冊明宗柩前冊曰惟應順元

年歲次甲午四月庚午朔帝回顧高曰張濛神言

豈不驗哉出

白孔六帖

武明太后崩果如童謡 徐之才少解天文兼圖識

二年春武明太后病內史皆呼太后為石婆蓋有

俗忌之範告之才曰童謡云周里跛求伽豹祠嫁

石婆斬冢作媒人惟得一量紫絁靴今太后忽改

名私所致恠之才曰跛求伽胡言去已豹祠嫁石

婆

姿豈有好事斬冢作媒人勿令合葬自斬冢惟得  
紫紕靴者得至四月何者紫之為字此下系紕者  
熟當在四月之中之範問靴是何義之才曰靴者  
革旁化寧是久物至四月一日后稷崩之才隋文  
帝開皇中

卒出北史

眾執韓秀昇屈行從二人詣高仁厚仁厚詰之曰

何故反秀昇曰自大中皇帝晏駕天下無復公道

紐解網絕今日反者豈惟秀昇機上之內惟所烹

醢耳仁厚愀然命善食而械之唐僖宗中和三年

挑戰高仁厚不與交兵潛發勇士千人執兵負藁  
夜由間道攻其寨且焚之賊惶惑不能相救仁厚  
遣兵於要路擊之賊眾皆降韓秀昇屈行從見眾  
潰揮劍亂斫欲止之眾愈怒西月一日共執二人

詰仁厚仁厚詰之  
云云出耆舊傳

天祺節真宗祥符元年四月一日天書再降  
內中功德閣以為天祺節出宋史

衡山方廣寺每至四月是日在東壁則照見維揚

官府樓堞居民舍宇物物可數虎谷  
間抄

譚處端仙蛻金太宗天會元年生而骨相不凡  
後西遊至同州有門人求親筆書龜

蛇二字筆力道勁有龍蛇盤屈之狀蓋預指歸期  
人不悟至乙巳四月一日仙蛻始應焉慶端踰長  
真子出史  
纂左編

南方七宿下降道經

詩

春色沅湘盡三年客始回夏雲隨北去同日過江  
來水漫荆門出山平郢路開北肩羊叔子千載豈

無才

張說四月一日赴荆州作

二日

漢成帝雨雪燕雀死

陽朔四年四月二日  
後許皇后廢出漢書

皇太子初立是日有雄雉飛集東宮明德殿前上  
問褚遂良是何祥對曰昔秦文公時童子化為雉  
雌者鳴陳倉雄者鳴南陽童子言曰得雄者王得  
雌者伯文公遂以為寶鷄祠漢光武得雄遂起南

陽有四海陛下舊封秦故雉見於秦地

太宗貞觀十六

年

宋太宗詔輔臣三司使翰林樞密直學士尚書省  
四品兩省五品以上三館學士宴于後苑賞花釣

魚張樂賜飲命群臣賦詩習射

雍熙二年  
以上玉海

傾城士女俱詣北郊北嶽帝行宮焚香或步或騎  
或輿轎聯翩而出至則奠獻拜禱鐘鼓喧闐綺羅  
交錯既畢各尋隙地享所携酒食醉笑而歸

四月  
初二

出宣撫  
鎮志



明清潭州雲蓋寺僧示疾而逝

有師傳僧口訣曰雲蓋鎖口訣擬議

昔腦裂拍手趨虛空雲露西山月僧遂悟至道二年四月二日示疾

招賢湖南長沙景岑僧示疾而逝

僧初住鹿苑其後居無定所但

狗緣接物隨宜說法時謂之長沙和尚太宗至道三年四月二日示疾以上楚通志

太虛元君生日

經道

三日

武城曰厥四月載生明

載始也月三日生明

宋太祖南郊

開寶九年通考

上幸司農少卿王光輔在駕還中書侍郎南陽岑

義設茗飲葡萄酒漿與學士等討論經史

景龍文館記

宋仁宗幸瓊林苑賜從官射射于苑亭射畢遂宴

日旁有五色雲見

天聖八年玉海

宋仁宗舍人院試賓貢進士

先禮部貢院言近年進士惟鈔略古今文

賦懷挾入試昨者以正經命題多情所出則知題目不示以出處也至景祐元年四月三日始詔進士題目具經史所出摹印給之出容齋隨筆

茅盈昇仙門前數頃地忽自平治無寸草皆施青

縑幄屋下盡鋪白毡可容數百人眾賓並集大作

宴會見金盤玉杯自至筵前後有妓樂絲竹金石



仁預馬始觀太宗御書移御別殿觀皇王帝伯四  
論良臣正臣忠臣奸臣權臣五論幸水軒垂釣侍

臣賦詩祥符八年

宋仁宗幸瓊林苑宴射上中的者十四已而閱騎

士射柳枝至和二年  
以上玉海

晉支遁終晉支遁字道林姓閔陳留人幼有神理  
聰明秀徹家世事佛晉初至京師王濛

陳群殷浩謝安王羲之等見遁道遙篇注雅重其  
風力生平歷餘杭山白馬寺支山寺爰刻溪山水

晚欲移入蔬食終身後以疾還餘姚塢山中太和  
元年四月四日終年五十三寔于塢山中塚存焉

出高僧傳

馬鈺居華陽亭墻外有來禽一株枯已久矣師是

日汲水沃之曰純陽來年四月十四日生於此樹

之下馬鈺初名從義字宜甫鈺字玄寶更之也號  
丹陽子寧海人以水沃來禽四月四日也史

纂左編

竹下圍棋翰墨大全

萬神善化犯之失音三元延壽書

天帝遊東井道經

文殊生佛書

善財童子出參華嚴經

詩

春郊柔綠遍桑麻小駐芳園覽物華應信吾心非

暇逸頓回晴意絕咨嗟每思富庶將同樂敢務游

畋漫自誇不似華清當日事五家車騎爛如花先

三月二十六日宋孝宗幸玉津園因雨霽洪邁進詩

四月四日孝宗和韻孝宗又曰邁侍制用如麻字

五日

莊公七年夏四月辛卯恒星不見夜中星隕如雨

杜預曰辛卯夏四月五日光尚微蓋時無雲日光不以昏沒日光不匿恒星不見出丹鉛續錄

唐玄宗因奏封禪儀注言門下禮官學士等

宴集賢殿玄宗曰今日與卿等賢才同宴于此宜

改集仙殿為集賢殿麗正書院為集賢書院開元十三年

海

唐玄宗崩葬泰陵在京兆府

北齊有起居省宋張泌奏復左右史之職記錄以

為起居注太宗從之置院於禁中起居注始於張

月五日之奏復也出事物紀原

宋謝枋得卒枋得至燕初行時士友餞詩盈几張子惠詩云此去好憑三寸舌再來不

直一文錢枋得會其意遂臥眠簷中而去度采石自是不食只茹菜果數月因殆四月初一至燕京初五日死於驛子定之護骸骨歸葬信州枋得天資嚴厲雅負奇氣推宋必亡於二十年之後枋得者師尊之出全編

不動于富貴貧賤學

獨孤君卒

士又二年諱申叔字子重年二十二舉進

年居父喪而卒蓋貞元十八年四月五日也是年七月十日而葬柳子誌墓曰獨孤君之道內之為孝外之為仁默而智言而信其窮也不憂其樂也不淫讀書推孔子之道必求諸其中其為文深而厚尤慕古雅善賦頌其要咸歸于道嗚呼君短命行道之日未久故其道信于其友而未信于天下今記其知君者于墓出合璧事類

六日

宋太祖幸廟閱土木之功歷觀兩廊下圖畫名將

指白起曰此人殺已降不武之甚何受享于此以

杖畫去之

建隆四年出宋史

宋真宗親謁太廟光宗親享太廟

祥符四年淳熙十六年出通考

虔州言木柱內有天下太平年五字是日詔送史

館作瑞木成文曲有厚坤效珍嘉木紀瑞云云

宋高

宗紹興十四年出玉海

程正叔講讀通英閣

元祐二年四月六日講讀顧

茶已為至榮豈可使講讀小臣坐殿上出明道集

東坡別黃州

元豐七年六月六日別黃州送東坡者皆至慈

湖獨陳季常至九江相別在九江和李白潯陽宮詩其序云今予亦四十九感之次其韻蓋元豐

七年正東坡四十九之年也出長公外紀

元人劉因卒

劉因字夢吉保定容城人因生之夕父述夢神人馬載一兒至其家曰善

養之既覺而生乃名曰駟字夢驥後改今名及字因天資絕人三歲識書日記千百言過目即成誦

六歲能詩七歲能屬文落筆驚人甫弱冠才氣迥邁日閱方冊思得如古人者友之得周程張邵朱

呂之書能發其微至元十九年徵因擢承德郎右贊善大夫未幾以母疾辭歸後又徵為集賢學士

嘉議大夫上書宰相以疾固辭四

月六日卒聞者嗟悼出史纂左編

子至女君前云東海公娶女君為婦言訖見茵褥

於水上女君行坐徃來有若陸地其青衣童子侍

側沿流而下隣女走告于家人家人莫能得女君

遙語曰幸得水仙願勿憂怖又言每至四月送刀

魚為信

郝姑祠在莫州莫縣西北四十五里俗傳云郝姑者字女君本太原人後居莫縣魏

青龍年四月六日與隣女相約水邊見青衣童子云云至今四月多有刀魚祠前忽生青白石高二

丈題云姑夫上馬石至今存焉出莫州圖經

太素三元君朝真日

道經

詩

病瘡老馬不任鞿猶向君王得敝帷桑下豈無三宿戀樽前聊與一身歸長腰尚載撐腸米潤領先裁蓋瘦衣投老江湖終不失來時莫遣故人非

東坡

四月六日別黃州作載楚通志

七日

宋太祖幸節度使趙彥徽第視疾

開寶元年宋史

東陽七佛寺有一物出頭如鹿有道人追而觀之

氣若雲霧尋覓集處亦無孔穴有聲若雷

元嘉十四年四月

月七日出異苑

揚師操喜聞人過是夜忽見青衣人騎白馬來云

東陽太監追汝須臾不見師操身仆似到東陽都

過一曹見有几案囚人着枷不可筭數又師操向

東行見一處有孔甚小孔中小星流出臭氣襲人

有一人曰是大地獄中聞師操喜論人過以汝置

此

師操雍州醴泉縣人也唐太宗貞觀中任藍田尉後以身老還家喜聞人過永徽元年四月七日

前死千東陽都其家為師操身死施齋數日放歸

心悔過出太平廣記

南斗北斗西斗帝君下降

道經

詩

好在清和月祥開紛郁煙一旬岳降後隔宿佛生

前事文類聚

八日

衛源廟每歲有司致祭

衛源廟在衛輝府北門泉上泉乃衛河之源隋唐以來已封威惠王元加封洪濟威惠王以水之本名稱之每歲四月八日致祭元張恒詩上國風帆快

轉輸石林香靄護神居龍吟別浦泉聲細鳥拂空潭樹影虛出天下

洞庭湖龍神出長沙府志

洞庭廟每歲致祭

祭以四月八日廟在磊石山

天禧中王欽若請以西湖為放生池郡人每歲是

日用釋氏法稱家有無隨願深淺買禽魚放之

出舍

璧事類援西湖記以放生為人主祈福四月八日數萬人於湖上放羽毛麟介皆西北向稽首仰祝

魏時京師士女多至河間寺觀其廊廡綺麗無不

嘆息以為即蓬萊仙室入其後園見溝瀆蹇產石

磴礁嶢朱荷出池綠萍浮水飛梁跨閣雖梁王兔

苑亦不如也洛陽伽藍記

俗傳為釋迦佛生辰僧尼各建道場宣揚經偈其

男婦爭以財物獻之雖衣食匱竭亦不暇顧

宣撫鎮志



王高麗在鼓城佛寺中謝混見而以檳榔贈之王

執手謂曰王郎謝叔源可與周旋否

風土記

孫皓是日溺金像曰浴佛後因病懺悔乃差

世說

劉敬宣八歲喪母是日敬宣見衆人灌佛乃披頭

上金鏡以為母灌悲泣不勝

沈約宋書

沈道虔累世事佛以父祖舊宅為寺是日請像舉

家感動焉

道虔吳興武康人少仁愛好老易縣此石山下為精廬與孤兄子共釜庾之資

因不改節太祖聞之遣使存問賜錢道虔年老菓食恒無經日之資而琴書為樂孜孜不倦出沈約

宋書

上崇奉釋氏是日新羅國獻萬佛山上以九光扇

置于巖壑間召僧入內禮萬佛山觀九色佛光於

殿中

杜陽編

荆楚人於諸寺設齋以五色香水浴佛共作龍華

會

歲時記

長沙市肆之人無子者供寺閣下羊肉薄餅乞兒

往往有驗

時鏡新書

浴佛以都梁香為青色水鬱金香為赤色水丘隆香為白色水附子香為黃色水安息香為黑色水

以灌佛頂高僧傳

大慧禪師浴佛上堂語云今朝正是四月八淨飯

王宮生悉達吐水九龍天外来捧足七蓮從地發

佛運紀

藥山是日見遵布衲洗佛云汝只洗得這箇還洗

得那箇遵云請將那人來山遂默然歸方丈密印

禪師曰藥山無風起浪被遵布衲一靠直得鋒銚

結舌羅麼一場印語錄

周昭王二十四年是日天竺國淨梵王妃摩耶氏

生太子悉達

佛氏尊後五歲於菩提場中成無上道號

拘戶羅國婆羅雙樹間入涅槃出佛運統紀

寺中無風而塔上一鈴獨鳴佛圖澄謂衆曰國有

大喪不出今年是年石勒死太子弘襲位

佛圖澄西域人

也本姓白氏少出家以晉懷帝永嘉四年適洛陽能使鬼神千里外事皆微見石勒諸幼子多在佛寺養之每至四月八日勒詣諸寺觀佛至建平四年四月八日鈴鳴澄曰國喪如其言出高僧傳

文帝時魏州立舍利塔有一黑狗耽耳白胸於舍

利塔前舒左股屈右脚見人行道即起行道見人

持齋亦即持齋

四月八日立舍利塔寺內先有數猛狗但見一狼狗無不競來吠齧

若見此狗入寺悉皆  
低頭掉尾出隋書

老子夜半剖右腋而生墜地即行七步於是佛道

興馬 出南史據史纂左編  
老子二月十五生

尹真人生

葛孝先真人生

尹虛鑒真人昇仙 以上翰  
墨大全

濮陽郡有異人續生者每歲是日市場戲處皆有

續生郡人張孝恭往所在對一續生遣諸奴往諸

所在俱見續生以此異之 濮陽郡異人續生者莫  
知其來身長七尺許肥

而黑髮餘二三寸不着禪袴破衫齊膝而已人遺  
財帛轉施貧者每四月八日市場皆有續生出廣  
古今五行紀

湘陰縣東六十里相傳晉時里人劉倩贅陶淡家

四月是日膾魚於橋上方斫魚尾或報曰汝家舉

宅上昇倩棄之今每歲八日見無尾魚逆水上至

橋而退 楚通志

善惡童子降犯者血死 三元延壽書

不遠行宜安心靜念沐浴齋戒必得福履 攝生月令

不宜殺草木宜進溫酒服溫藥 齊人月令

九日

唐太宗是日公卿上言請修太和宮厥池清涼可

以避暑詔從之貞觀二十一年

宋真宗幸瓊林苑宴射帝作七言詩賜從臣祥符九年

四月九日  
出通典

宋孝宗書明良慶會之閣賜史浩淳熙十一年

度宗生於紹興府榮邸以為乾會節度宗諱襟嘉熙四年四月

九日生先母夢日光照東室又夢神人采衣擁一  
龍納懷中已而有娠及生室有赤光資識內慧七

歲言言必合度理  
宗奇之出宋史

韋津死王世克與李密戰克敗密又擁兵三十萬  
陳於北却南逼上春門段達韋津拒之達

望見密兵盛懼而先還四月  
九日韋津死出蒲山公傳

大儒吳淵穎卒諱萊字立夫元至元六年疾作先  
忽夢作童汪騎贊覺謂人曰汪騎

殤者也予疾若此殆不起耶夏四月九日卒于家  
遺命治喪不用浮屠先生以精深玄懿之學發沈  
潛奇絕之文闔陰關陽出神入鬼著述甚多  
及門之士私謚曰淵穎先生出宋學士集

十日

宋神宗慶曆八年生于濮王宮群鼠吐五色氣成

雲治平四年即位宰臣等表曰誕聖題期表靈源

之濬發揆時紀節昭皇德之開光當正陽統月之

辰乃甲觀襲祥之日慶由運會道與天同請以生

之日為同天節武夷志云神宗之未生也武夷山道士吳懷玉有道術詣武夷君像

曰歲在戊子降為人主又指魏王像曰三十有八載當繼世御極撫平四海後其語皆驗人方與勝

覽云宋建守陳覺民過武夷山詩昇真洞口接天門靈草丹桃日月春聽說列仙來瑞世三朝德業

在斯民蓋真宗神宗哲宗皆武夷仙真應世故有三朝德業之句據史事實神宗四月十日生

黃巢賊散走先一日李克用合忠武騎將龐從遇黃巢賊於渭南決戰三捷大敗賊軍

四月初十日夜賊巢散走出舊唐書

蘇珠娘到鵲奔亭時日暮行人絕不敢前有婢名致福者暴得腹痛珠娘往亭長舍乞漿取火亭長

龔壽操刀問珠娘曰繒從何處得珠娘怖懼壽利

其繒以刀刺脇立死又殺致福樓下埋之漢時何

州刺史行部蒼梧郡高要縣暮宿鵲奔亭夜猶未

半有女從樓下出自云蘇娥字珠娘早失父母兄

弟有繒百二十疋與婢致福往縣賣乃以前年四

月十日到此亭龔壽操刀刺死敢告于明使君敬

曰今欲發汝屍骸何以為驗女曰白衣青履猶未

朽掘之果然敬遣使捕壽問與珠娘語同遂斬之

十一日

唐太宗親謁太廟謝承乾之過貞觀十七年通考

文宗勅曰聞京師舊說終南山興雲即雨若晴霽

雖密雲他至竟不沾濡况茲山北面闕庭日當顧

矚修其望祀寵數宜及聞無祀宇宜令中書門下

差官設奠擇立廟處開成二年四月十一日勅後九月勅終南山為廣惠公出

考通

誅益州長史李孝逸武承嗣使人誣孝逸自云名

天分謂有分為天子則天垂拱二年四月十一日誅出唐曆

地破日不可開山動土登真隱訣

詩

南村諸楊北村盧白花青葉冬不枯垂黃綴紫煙

兩裏特與荔枝為先驅海山仙人絳羅襦紅紗中

單白玉膚不須更待妃子笑風骨自是傾城姝不

知天公有意無遣此尤物生海隅雲山得伴松檜

老霜雪自困楂梨麤先生洗醖酌桂醕冰盤薦此

頽虬珠似開紅鯨斫玉柱更洗河豚烹腹腴我生

涉世本為口一官久已輕蓴鱸人間何者非夢幻

南來萬里真良圖東坡四月十一日食荔枝

十二日

唐睿宗幸隆慶池結綵為樓宴侍臣泛舟戲象以

厭之

景雲元年厭於葉翻時人以為  
玄宗受命之祥出景龍文館記

漢靈帝宮車晏駕

中平六年  
後漢書

後周太祖葬於嵩陵

陵在鄭州新  
鄭縣通考

宋孝宗詣德壽宮請太上同幸聚景園

淳熙元年  
四月十二

日出  
會要

胡國珍薨明帝舉哀於太極東堂

國珍字世玉安  
定臨涇人也

珍少好學雅尚清儉女以選入掖庭生明帝即靈  
太后也孝明帝踐祚以國珍為光祿大夫太后臨  
朝封安定郡公國珍年雖篤老雅敬佛法四月七  
日步從所建佛像發策至閭闔門四五里勞熱增  
甚因遂寢疾靈太后親侍藥膳  
四月十二日薨年八十出北史

田琢為潞州觀察判官偶坐廨舍之含翠堂忽雙

燕至一飛簷戶間一上硯屏田諦觀即前燕也臘

丸尚在

金宣撫使田琢字器之從軍塞外合虜里  
山野舍春未有雙燕為巢土人不識屢欲

捕之一日飛止坐隅無所驚畏巧語移時不去田思  
忽一日秋社燕當歸矣此殆為留別語也因作詩贈  
明日秋社燕當歸矣此殆為留別語也因作詩贈  
云幾年塞外歷奇危誰謂鳥衣亦此飛朝向蘆陂  
知有為幕投第舍重相依君憐我屢頻迎語我憶  
君時不掩扉明日西風悲鼓角君應先去我何歸  
遂細書為臘丸繫其足上後八年太和甲子田為  
潞州觀察四月十二日坐含翠堂雙燕忽至臘丸  
尚在田謂同年龐鑄畫為圖自  
作序求趙閱作詩出中州集

蒼龍溪新宮是日建

早歲明霞者陳留人幼而奉道  
蔡少霞者陳留人幼而奉道  
獨

行忽得美蔭因就憇焉不覺成寐因為褐衣鹿幘  
 人夢中召去乃至一城郭處碧天虛曠瑞日曠曠  
 見一玉人當軒獨立玉人謂少霞曰憇子虔心今  
 宜領事少霞不知所謂復為鹿幘人引至東廊止  
 于石碑之側謂少霞曰召君書此少霞素不工書  
 即極辭讓鹿幘憤人曰按文而錄胡乃拒違以筆硯  
 即付少霞曰法此而寫少霞疑神榻管頃刻而畢  
 因覽讀之已記予心矣題曰蒼龍溪新宮銘茶陽  
 真人山玄卿撰良常西麓源澤東滋新宮宏崇  
 軒轡雕珉盤礪鏤檀竦棨壁瓦麟差瑤階昉截  
 閣凝瑞霧樓橫祥霓騶虞巡徼昌明捧闌珠樹規  
 連玉泉矩洩靈輿遐集聖日俯晰太上游儲無極  
 便闕百神守護諸真班列仙翁鵠駕道師冰縈飲  
 玉成漿饌瓊為屑桂旗不動蘭屋五設妙樂竟臻  
 流鈴間祭天籟虛徐風簫冷澈鳳歌諧律鶴舞會  
 節三變玄雲九成絳闕易遷虛語童初浪說如毀  
 乾坤自有日月清寧二百三十一  
 建於是以霞方更周視遂為鹿幘人促之而返醒

然遂悟急命紙筆登  
 即紀錄出集異記

元中大法師昇仙  
翰墨大全

詩

前年家水東回首夕陽麗去年家水西濕面春風  
 細東西兩無擇緣盡我輒逝今年復東徙舊館聊  
 一憇已買白鶴峰規作終老計長江在北戶雪浪  
 舞吾砌青山滿墻頭髮鬢幾雲髻雖憇抱朴子金  
 鼎陋蟬蛻猶賢柳柳州廟俎薦丹荔吾生本無待  
 俯仰了此世念念自成劫塵塵各有際下觀生物



息相吹等蛟蚋

東坡至惠州合江樓遷于嘉祐寺後又復遷于合江樓四月十二日

又復歸于嘉祐寺作時卜葉白鶴峯之上新居告成

十三日

唐肅宗親享廟

乾元元年通考

宋真宗立夏祀赤帝

景德三年四月十三日立夏按月令立夏之日天子迎夏

於南郊迎夏為祀赤帝通考

宋太祖崩是日發引太宗衰服奠哭群臣升梓宮

於龍輜

開寶十年出宋史禮志

宋欽宗生靖康元年太宰徐處仁等請以四月十

三為乾龍節百官詣龍德宮上壽

天中記

三皇帝君降

道經

十四日

唐高祖是日幸龍潛舊宅改為通義宮置酒高會

詔曰爰擇良辰言遵邑里禮同過沛事等歸譙故

老咸臻族姻斯會肅恭篤享咸慶兼集

武德六年玉海

德宗降誕節

節度使王虔休獻繼天誕聖樂候嘉作獻壽文出玉海

宋仁宗生宰臣丁謂等上表云玉瑤誕祥式契貫

星之兆璿樞紀曆爰標出震之期陛下清寧毓粹

聰哲凝華候回炎律氣應薰風協離德之融輝仰  
榮河之啓瑞請以四月十四日為乾元節從之宗仁

母李氏夢一羽衣之士跣足從空而下云來為汝  
子時上未有嗣是夕召幸有娠明年四月十四日  
生仁宗幼年每穿履襪即亟令脫去常徒步禁中  
皆呼為赤脚仙人蓋古之得道李君也一云仁宗  
以祥符三年生章懿夢二日在天其一忽墮以裙  
承之乾興元年帝即位又真宗未嘗仁宗嘗遣左  
璫詣茅山求嗣遇王異人言王真人已降生于宋  
朝璫問王真人本是何人曰古燧人氏章懿亦夢  
羽衣數百人從一仙官自空而下曰此托生于夫  
人及生宮中火光燭天始行步嘗持槐木簡以筋  
鑽之真宗問何用曰試鑽火耳帝顧后妃  
曰異人之言信不虛矣出元符宮石刻

呂巖字洞賓以是日生母就蓐時異香滿室天樂

浮空一白鶴自天飛下竟入帳中不見曾祖延之

度使祖渭終禮部侍郎父讓海州刺史貞元十四  
年四月十四日巳時生而金形木質道骨仙風  
鶴頂龜背虎體龍腮頸修觀露額潤身圓鼻梁聳  
直面色黃白左眉角一黑字左眼下黑子少聰  
敏日記萬言矢口成文既長身五尺二寸喜頂華  
陽巾衣黃白襪衫繫大皂條狀類張子房二十不  
娶始在襁褓馬祖見之曰此  
兒骨相不凡出史纂左編

潭州鶴會潭州兵馬都監趙不問淳熙九年四月

衣升祀不與人揖徑入堂房內不見但於几上得  
一幅紙書絕句云這回相見不無緣滿院風光小  
洞天一劍當空又飛去洞庭驚起老龍  
眠末題谷客書谷客即洞賓也出道書

陳楠是日與會主云我來尸解會主不以為事遂

留四句曰頂上雷聲霹靂混沌落地無蹤今朝得

路便行騎箇無角火龍即日尸解楠字南木號翠

白水巖人以盤龍箱桶為生人無有知者作盤擺

為尊礮來礮去知多少個裏全無斧鑿痕箱桶頌

曰有漏教無漏如向水泄通既能圓密了內外一

真空其言超悟如此後得太乙刀圭金丹法訣於

毗陵禪師人有求符水者翠虛捨土付之病多輒

愈故人呼之為煉泥丸宋寧宗嘉定六年四月十

四日在潭州與會主云翠虛度弟子三人鞠九

思沙蟄虛白玉蟾出史纂左編

金世宗設二帳於御幄之東約慶機居之丘慶機

號長春子金世宗設二帳於御幄之東約慶機四

月十四日居之及期有山賊之報改卜十月望出

編左  
十五日

四月庚戌朔十五日甲子哉生霸成王有疾不豫

故顧命曰惟四月哉生霸死霸朔也生霸望也哉

始也翌日成王崩出前

漢書  
宋真宗章穆皇后郭氏崩景德四年

程正叔進講文公以下預焉宋史禮志

蘇東坡紹聖元年是日過韋城而吳傳正之甥歐

寬涼矣出明道集

陽思仲在馬相與談傳正高風東坡嘗作洞庭春色賦傳正獨愛重之又作中山松醪賦不減前作東坡獨恨傳正未見乃取李氏澄心堂紙杭州程奕鼠鬚筆傳正所贈易水供堂墨錄以授思仲使面授傳正且祝深藏之

東坡與傳正為世外之遊及將赴中山傳正贈東坡

易水供堂墨一九而別出長公外紀

此日自堂厨至百司厨通謂之櫻笋厨詩曰春事

無多櫻笋來

歲時記

馬耆國以是日游林

馬耆國東高昌西龜茲南尉犁北烏孫俗尚娛邀二月肫

出野祀四月十五日游林酉陽雜俎

洞賓純陽飛昇

雲房降誕

祖師姓鍾離諱權雲房其字也是日降生仕漢為將軍因失機入終南山得少

陽帝君之術仙去出道書

張法樂真人成仙

出翰墨大全

劉珍廣漢什方人曰吾功行已成某月某日吾當

昇天至期自以火化

劉開皇中居安樂山忽取道經鍾磬封於石室中曰後六

十年當有聖君取之吾四月十五日昇天隋文帝遣使至山訪其事令建三觀唐高宗遣使取丹經

鍾磬以進出瀘州志

僧尼是日就禪刹掛搭謂之結夏又謂之結制出荆

楚歲時記其結夏者蓋夏乃長養之節在外行則恐傷草木蟲類故釋苑宗規云祝融在候炎帝司方當法王禁足之辰是釋子護生之日至七月十五日應禪寺掛搭僧尼盡皆散去謂之解夏又謂之解制禪苑宗規云金風漸漸玉露滾滾當覺皇解制之辰是法歲周圓之日大藏經云四月十五日僧尼坐草為一歲謂之法歲

詩

望朝齋戒是尋常盡起金根第幾章竹葉飲為甘露色蓮花鮓作肉芝香松膏北雨凝雲磴丹粉經年染石牀剝欲與君終此志頑仙惟恐鬢成霜皮日

休四月十五日日和陸龜蒙道室書事

十六日

陳宣帝是日天雨電始興王叔陵刺後主於喪次

據東府反大建十二年俄而伏誅出隋書

唐太宗避暑九成宮是日上及中宮歷覽臺觀閑步西城王勃頌曰扃牖六合奔走八神梯霄架極考遺基于汶上稽故典于淹中陽靈開避暑之宮

景福致追涼之殿洞龍對雷鐵鳳連薨九成宮隋之仁壽宮

也冠山杭殿絕壑為池漢之甘泉不能尚也貞觀六年四月十六上及中宮歷覽臺觀出舊傳

唐玄宗詔享太廟每室加常食一牙盤

天寶五年四月十六

日詔唐享廟每室加常食一牙盤五代遂廢享廟之設牙盤自唐始出事物紀原

先天降聖節聽京城燃燈一晝夜

真宗祥符六年出宋史禮志

忌嗜慾犯之夭壽

孫真人集

天倉開宜入山修道

遵生八牋

十七日

玄宗景龍二年是日在廳事假寐白鶴觀道士宋

大辨等三十人同見赤龍據案

上微時嘗至洛陽令崔日知宅崔設

饌未熟明皇因寢庭前一架藤花初開日知見巨蛇食藤花遂巡不見上覺曰饑甚夢中食藤花甚

美日知乃知他日啓聖之驗也出逸史

高宗冊貴妃吳氏為皇后

紹興十二年宋史

帝御集英殿賜狀元王佐以下及第出身同出身

朱晦庵之科共二百三十人出七修類稿

張韶於紫草車中載兵器犯銀臺門共三十七人

入大內對食於清思殿即日禁兵誅之

出唐書天文志

程明道再上疏

熙寧三年四月十七日再上疏諫新法疏中有中外人情交謂不可

設令由此僥倖事小有成而興利之臣日進尚德之風浸衰矧天時未順地震連年四方人心日益

動搖云云出明道集

楊氏裸坐 吳清妻楊氏號監真君頭痛自春及夏

坐屋上稱先日有同行伴煎茶湯相待汴州姓呂

名德貞同州姓張名仙真益州姓馬名辨真宋州

姓王名信真及還有一女冠賦詩相別云道啓真

心覺漸清天教絕粒應精誠雲外歌聲笙管合花

和風引步虛聲唐元

翊聖真君下降 道經

詩

圓頂雙胡碧眼人 曉天親送石麒麟 九龍浴佛經

旬日名世總生屬此辰 事文類聚

玄天之龍兮見而在田 我后之龍兮飛以御天 據

聖人之大寶與別祖而用玄 高出而潛躍以自試

未定天寶居然假寐合而成體散而成章若窺於

牖若施於堂且據案而向明 負屨以當陽日月在

身有祇天之嘉夢風雨合氣將振翼而雄驤群居

愕主聖作物睹赫然龍光真我明王折券表異亦

惟前聞曠然振古卓有吾君王人之瑞比之龍首

高居而遠望以臨乎九有天子之威比之龍鱗皇

之可畏以肅乎萬人徒稱其象未睹其真恭惟我

法編 卷四 三





上元追封周太公望為武成王依文宣王例置廟以歷代良將為十哲白起韓信諸葛亮李靖李勣列于左張良田穰苴孫武吳起樂毅列于右

上元元年

要出會

唐德宗生群臣上壽不置節名不納中外之貢駙馬高怡獻金銅像德宗曰有何功德非吾所為退

還之

天寶元年四月十九生出舊唐書

真元五年是日顧況作宋州刺史廳記記曰商丘之地辰火之宿孟諸之湄闕伯所遷微子所奉之

國也仲尼之伐樹子罕之棄車皆此地馬梁孝王時四方遊士鄒生枚叟相如之徒朝夕宴處更唱迭和天寒水凍酒作詩滴是有文雅之臺清冷之

地云云

事文類聚

成都風俗每歲是日士女泛舟浣花溪之百花潭府尹亦至潭上置酒高會設水戲渡盡樂而返相傳唐冀國夫人故事也冀國夫人是日生先唐寧節度西川微服行民間見而悅之納以為妾寧妻死遂為繼室每生日置酒浣花溪之百花潭徘徊

終日後人因之遂以為常成都謂之浣花遨頭宴

于杜子美草堂滄浪亭傾城皆出錦繡夾道成都士女

四月十九日泛舟冀國夫人姓任漢上小家女任

媪嘗禱于神祠夢神人授以大珠覺而有娠明年

四月十九日生年稍長釋氏教甚謹有僧過其家

瘡疥滿體衣服垢敝見者心惡女獨設事之一日

僧持衣從以求浣女欣然濯之溪邊每一漂衣蓮

花輒應年而出里人驚異求僧不知所在因識其

處為百花潭及女為冀國夫人每四月十九誕辰

置酒江上泛舟訪漂衣故處後人以是日至此

設水戲渡老學菴筆記亦出蜀志

張重華鄭景昇仙翰墨

二十日

趙王倫矯制廢賈后害張華等晉永康元年四月

沙張華舍風飄起出廣古今五行記

李希孝欲模寫捕魚圖捕魚圖王右丞草也元祐

元祐元年四月二十日李希孝

司馬光應詔四月二十日詔言過失與朝廷政事

宗皇帝蒙擢侍從服事三朝恩隆德厚隕身喪元

不足為報雖訪問所不及猶將披肝瀝膽以効其

區區之忠况聖意采納之勤督責之嚴諄諄如此

敢不為陛下別白當今之切務必補萬分之一耶

云云出文鑑

前張質推事寃人張質狩氏人以明經檢亳州臨

浹尉到任月餘日暮見數人持

符來約質去質乘馬隨之至縣門縣吏列坐畧無  
起者質怒曰吏敢無禮縣吏亦不顧出數十里至  
一栢林下馬遂步行百餘步見一夫府門隨使者  
入上有美鬚衣緋者據案而坐責曰為官何曲以  
推事質曰到任月餘未嘗推事緋衣人召寃人出  
對寃人自西房出疾視質曰此非推某者乃前臨  
渙尉張質貞元十一年西月二十日推某者若此  
質是貞元十七年到任尚未久判官曰名姓偶同  
放歸歸時已七日矣仍在栢林中伏於馬上樵  
人見而驚之曰縣失官人此非耶就問質質不能  
對數日後方能  
言出續玄怪錄

二十一日

唐肅宗妖星見於西方長數丈

上元元年閏四月二十一日妖星見

至五月成通考

唐高祖造太和宮於終南山

武德八年後貞觀十年廢

唐高宗造蓬萊宮成是日徙居之

龍朔二年

宋真宗幸龍圖閣閱太宗御書宴於崇政殿帝作

五言詩

景德二年

宋高宗詔求四方遺書

紹興二年以上玉海

給事中韓忠彥言門下省得旨舉駁事依中書舍  
人封還詞頭例四月二十一日中書奉旨給事中

駁正事赴執政堂稟議

宋神宗元豐七年出朝野雜記

碧虛子題化書後序

譚景昇終南山著化書因遊茅經歷建康見齊丘有仙

風道骨雖弱於機智而異乎黃埃稠人遂引此篇  
云稚子弄影不知為影所弄狂夫侮像不知為像  
所侮化家者不知為家所化化國者不知為國所  
化醉者負醉疥者療疥其勢彌顛其病彌篤而無  
反者也齊丘終不悟景昇乃出化書授齊丘碧虛  
子至嘉祐五年夏四月二十一日題化書後序出

道書

普賢菩薩生辰

佛書

二十二日

唐太宗自為真草書屏風以示群臣筆力遒勁為  
一時之絕太宗謂魏徵曰世南沒後無一人可與

論書徵曰褚遂良

貞觀十四年玉  
海亦出譚實錄

少傅史浩等三十四人進明堂慶成詩忠州文學

程宏繇進明堂賦太常丞胡南逢等三人進明堂

頌

宋孝宗淳熙七年四月二十二日先孝宗御書  
明堂門六字書畢積雨驟霽星月燦然可喜出

禮志

王庶人卒

唐惠妃武氏有專房之寵將謀奪嫡王  
皇后上欲廢為庶人又廢太子王庶人上問于

張九齡對曰太子天下本也動之則搖人心九齡  
未聞大惡臣聞父子之道天性也子有過父怒而

掩之不廢絕恐傷陛下慈父之道上悅李林  
甫秉政陰中計于武妃以自固武妃亦結之乃先

出九齡而行廢太子後玄宗乃立肅宗為太子林甫  
之計不行王庶人以開元二十五年四月二十二

日卒武妃至十二月而薨識  
者謂有神通焉出大唐新語

董卓見王允等持劍立於殿門卓大驚王允大呼

曰反賊至此遂命武士百餘人持戈刺之卓裹甲

不入傷臂墜車呂布懷中取詔大呼曰奉詔討賊

臣董卓李肅斬卓首携之時卓年五十四裹甲者披甲于

內加衣于甲上漢獻帝初平二年四月二十二後太史有詩曰郿塢追魂憑李肅官門取命有溫侯

出三國志

二十三日

甘露降于中華殿之桐木泫如冰雪唐高祖以示

群臣武德九年五月

齊高帝登位出南史

宋高宗講易終篇以犀帶象牙簡金鞍勒馬賜宰

相侍讀以下紹興二十五年五月

呂布將數百騎出武關詣袁術以殺董卓為術報

讎呂布字奉先五原郡九原人也先一日殺卓二十三日詣袁術欲以德之卓死後六旬布亦敗

出漢推記

王處一上昇處一寧海東牟人號玉陽四月二十三日語門人曰群仙已約我矣言訖

沐浴冠帶焚香朝禮十方乃辭而上昇處一冬寒

符則有鬼恠潛出之靈

類此甚多出史纂左編

天

三

詩

巴俗深留客吳儂但憶歸真知難共語不是故相

違東縣聞銅臭江陵換袂衣丁寧巫峽雨慎莫暗

朝暉黃山谷以紹聖二年謫黔州

二十四日

劉先主崩于永安宮亮表後主曰大行皇帝邁人

樹德昊天不弔今四月二十四日奄忽升遐臣妾

號咷如喪考妣云云先主劉備字玄德涿郡鹿縣人謚昭烈皇帝先一日先主

忽榻前燭滅復明隱隱見二人侍立起而觀之乃雲長翼德也二人相向曰因生平不失信義玉帝

勅為神忽不見先主知不可起乃泣語孔明曰君才勝曹丕十倍必安國而成大事若嗣子可輔則

輔之如不可自為成都主孔明泣曰臣以肝腦塗地安能補報知遇之恩又命趙雲曰朕與卿今別

矣雲泣曰臣效犬馬之勞以扶社稷言畢駕崩壽六十三時章武三年出蜀志亦出三國志

滎陽郡人尹千見天雨石墜地開之有玉璽在其

中齊高帝四月二十三日登位二十四日尹千於嵩山東南見天雨石開之乃玉璽其中有文曰

戊丁之人與道俱肅然入草應天符掃平河洛清魏都宋禪位於齊此其符驗也出南史

宋高宗謂侍臣曰朕聞祖宗時禁中有打麥殿今

於後園令人引水灌畦種之亦欲知稼穡之艱難

紹興二年玉海

年玉海

年玉海

年玉海

唐睿宗勅魚袋着紫者金裝緋者銀裝景雲二年四月二十

四日勅按唐實錄高祖給隨身魚三品以上其飾金五品以上其飾銀故名魚袋至宋朝神宗元豐

未親王賜玉魚以副金帶金魚以副玉帶以唐禮也韓文公詩曰不知官高卑玉帶懸金魚是也

宋高宗置六科舉士紹興二十六年四月二十四日置六科一曰文章典雅可

備制誥二曰節操方正可備臺諫三曰才識諛通可備刑獄四曰節節用愛民可備理財五曰慈祥愷

悌可備監司郡守六曰智勇絕倫可備將帥令侍從歲舉之如元祐司馬光所請宋史

宋神宗除戶部侍郎謝景溫為禮部侍郎元豐五年四月

二十四日出合璧事類

圓通禪院蘇老泉舊遊處東坡四月是日宿馬明

日老泉忌日也乃手寫寶積獻蓋頌佛一偈以贈

長老僊公僊公拊掌笑曰昨夜夢寶蓋飛下着處

輒出火豈此祥乎東坡於是作詩長公外紀

詩

石耳峯頭路接天梵音堂下月臨泉此生初飲廬

山水他日徒參雪竇禪袖裏寶書猶未出夢中飛

蓋已先傳何人更識稽中散野鶴昂藏未是仙圓通

禪院東坡四月二十四日作

二十五日

晉武帝太后崩有司奏是日安居

泰始四年禮志

唐玄宗是日問諸蕃諸國遠近鴻臚卿王忠嗣上

言曰謹按西域圖自陀拔恩單國至史國凡十有

二天寶六年王海

宋仁宗御製雅樂曲及樂章凡六十八

景祐二年音樂志

李德光上五帝功臣繪像圖

宋高宗紹興九年王海

蘇老泉忌日

老泉東坡父出長公外紀

二十六日

澤州是日請建廟命禮官考其儀有司言唐制諸

郡置風伯壇于社壇東雨師壇于社壇西

宋具宗祥符二

年王海

宋哲宗復置賢良方正直言極諫科

元祐二年王海

狀元王佐以下各賜錢一千七百貫

王佐與朱文公同科四月

初三日御試策第一道十七日皇帝御集英殿賜狀元王佐以下及第出身同出身十八日赴宴二十

六日各賜錢出七修類稿

知潭州林栗是日進經傳集解三十二卷繫辭上

下二卷文言說卦序雜本文共為一卷河岳洛書

八卦九疇大衍總繪圖六十四卦立成圖大衍揲



著解共為一卷總三十六冊詔付秘書勅書獎諭

宋孝宗淳熙十二年玉海

二十七日

昌邑王賀行淫辟立是日大將軍霍光白皇太后

廢之

先祥雲如狗赤色長尾三枚夾漢西行占曰天文以東行為順西行為逆主人臣運柄辨

雲為亂君此大臣欲行權以安社稷也

宋哲宗觀麥于後苑

紹聖元年

元順帝崩

元朝至正庚子歲長淮以北尚皆宴然

道太原則王保保汴梁則太子開撫軍司以總之既而諸將共諗王保保欲叛詔削軍權臺兵北行

慶慶皆望風崩潰四月二十七日順帝以疾崩皇太子獨脫身走去而皇孫就擒出草木子

東坡到湖州謝表云臣荷先帝之誤恩擢置三館

蒙陛下之過聽付以兩州陛下知其愚不適時難

以追陪新進察其老不生事或能牧養小民

元豐二年

四月二十七日到湖州出長公外紀

浩陵郡有巖數里夜忽有雙光

齊高帝建元元年

所住巖間常流雲氣有聲響若龍吟求之積歲莫有見者四月二十七日夜巖數里忽有雙光至明

往獲古鍾一枚又有古器名淳于

二十八日

議禮局請於南郊別立感生帝壇依赤帝高廣之

制從之宋徽宗大觀四年郊祀實錄

宋太祖皇后宋氏崩太宗素服舉哀太宗至道元年四月二十

八崩祔葬永昌陵之北出宋史禮志

宋孝宗書荔枝賦賜舍人張延年隆興九年玉海

老君於尹喜宅南山阜上昇天喜悲戀請留老君

告喜以除垢止念靜心守一之旨言訖聳身空中

坐雲華之上面放五明身見金光洞照十方冉冉

昇空光輝五色玄黃良久乃沒喜目斷雲霄

涕泣攀戀其日江河沉山川震動有五色光貫太

微徧及四方尹喜拜老君曰幸聞至道欣慶難言頌賜著書闡揚道旨以語後世老君

曰善以道德五千言授之喜拜受持誦老君次年四月二十八日於喜宅飛昇出史纂左編

天休節上元星君下降出道經

詩

蜀國富且庶風俗矜浮薄奢僭極珠貝狂佚務娛

樂虹橋吐飛泉煙柳閉朱閣燭影逐星沉歌聲和

月落鬪鷄破百萬呼盧縱大噓游女白玉璫驕馬

黃金絡酒肆夜不扃花市春慚恻禾稼暮雲連紈

繡淑氣錯熙熙三十年光景倏如昨天道本害盈

侈極禍必作當時市政者罔思救民瘼不能宣淳

化移風復儉約

宋太宗至道元年四月二十八日張詠悼蜀詩

二十九日

唐玄宗謂侍臣曰每祀黃帝乃就南郊禮亦非便

宜於皇城内西南改置黃帝壇朕當親祀以昭誠

敬

天寶九年玉海

唐高宗給五品以上隨身魚袋以防召命之詐

永徽

二年四月二十九日給隨身魚袋魚袋三代以韋為之箕袋魏易之為龜唐高宗給隨身魚袋三代以韋

上其飾金五品以上其飾銀故名魚袋天后改為

龜後復曰魚神龍初賜紫則給金魚賜緋則給銀

魚不限品也

出事物紀原

宋高宗詔丞相趙雄等赴經筵聽講正說終篇浩

等言陛下孳孳典訓愈久愈明歲時甫浹篇帙再

周請付史館

淳熙八年玉海

狀元王佐以下朝謝

皇帝御集英殿賜狀元王佐以下及第出身同出身四月

二十九日朝謝七修類稿

詩

梅雨漲添春酒色麥秋黃起壽爐烟銅壺未下三

更水猶是清和四月天 事文類聚

三十日

漢成帝河平元年是日日食詔公卿百僚陳過失無有所諱大赦天下光祿大夫劉向對曰四月交

於五月月同孝惠日同孝昭其占恐害繼嗣 是時許皇

后專寵後宮中外皆憂上無繼嗣故杜陵谷永及劉向所對皆及之上於是減省椒房掖庭用度四

月已亥晦而日食故曰四月交於五月月同孝惠孝昭元年七月已亥晦日食故曰日同孝昭二帝

尋皆晏駕而無嗣出白孔六帖

漢和帝永元十五年是日日食時帝遵肅宗孝章

帝故事兄弟皆留京師有司以日食陰盛奏遣諸

王就國詔曰甲子之異責由一人諸王幼穉早離

顧復弱冠相育常有蓼莪凱風之哀選懦之恩知

非國典且復宿留 賢曰選懦慈戀不決之意也出漢紀

道悟禪師示疾命弟子曰四月三十日告終大眾

問疾師驀召典座座近前師曰會麼曰不會師拈

枕上拋于地上即便告寂 道悟荊州天皇寺僧神儀挺異幼而生知年十

四懇求出家父母不聽遂損減飲膳日緣一食形體羸悴父母不得已而許之依明州大德披削二

十五詣杭州竹林寺具戒精修梵行推為勇猛或風雨晝夜冥坐丘塚身心安靜一日遊餘抗首謁

徑山國師受心法服勤五載後叅馬祖祖重印前  
 解法無異說以憲宗元和五年四月三十日告寂是  
 年八月五日塔於  
 郡東出楚通志

日涉編卷終

